



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
PRAVOBRANILAŠTVO

Broj: 01-08-Gp-55/22
Sarajevo, 17.06.2022. godine

GRAD SARAJEVO
GRADSKO VIJEĆE
n/r gospodina Jasmin Ademović

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIJELAZNO: 17 JUN 2022			
Drž. jed.	Broj	Prilog	Vrijednost
01-GV	04-783-3		0/22

PREDMET: Odgovor na vijećničko pitanje
Veza – Vaš dopis br. 01-GV-02-783-3/22 od 01.06.2022.

Poštovani gospodine Ademović,

Dana 13.06.2022. godine Pravobranilaštvu Grada Sarajevo je dostavljen Vaš dopis broj gornji u pogledu vijećničkog pitanja gradske vijećnice Danijele Šahat.

Izjašnjavajući se u pogledu navedenog pitanja, i to u pogledu dijela "zašto Pravobranilaštvo nije dalo mišljenje o Ugovoru?", ističemo slijedeće.

Odredbama člana 15. stav 1. Zakona o pravobranilaštvu („Službene novine Kantona Sarajevo“, broj: 33/08-novi Prečišćeni tekst, 7/12 i 44/16) je propisano da „Pravobranilaštvo pruža stručnu pomoć organima, fondovima, preduzećima i drugim pravnim licima iz člana 8. ovog Zakona u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode“, dok odredbe stava 2. istog člana propisuju da „Organi i pravna lica iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspoložive stvari, odnosno materijalnim pravima“. Odredbama stava 3. navedenog člana je propisano da „Kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 10.000 KM na dan utvrđivanja vrijednosti, nije obavezno pribavljanje pravnog mišljenja Pravobranilaštva“.

Identične su i odredbe Odluke o osnivanju Pravobranilaštva Grada Sarajeva („Službene novine Kantona Sarajevo“, broj: 20/10, 30/15, 12/17 i 41/21).

U konkretnom slučaju, uzimajući u obzir vrijednost Ugovora o finansiranju projekta postavljanja javne rasvjete u Općini Trnovo (15.000,00 KM), bilo je potrebno pribaviti mišljenje Pravobranilaštva Grada Sarajeva. Međutim Pravobranilaštvu Grada Sarajeva nije podnesen zahtjev od nadležne službe za davanje mišljenja, što je i razlog zašto Pravobranilaštvo nije dalo mišljenje na predmetni ugovor.

Odredbama člana 11. stav 6. Odluke o osnivanju Pravobranilaštva Grada Sarajeva („Službene novine Kantona Sarajevo“, broj: 20/10, 30/15, 12/17 i 41/21) propisano je da „O ugovorima zaključenim bez prethodnog pravnog mišljenja Pravobranilaštva...Pravobranilaštvo obavještava organ koji je

Adresa: Hamdije Kieševljakovića 3
71000 Sarajevo, BiH
Tel: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba



oblasten da vrši nadzor nad radom tog organa ili pravnog lica i Gradonačelnika, te podnosi rukovoditelju zastupnog organa ili pravnog lica zahtjev za pokretanje disciplinskog postupka radi utvrđivanja "disciplinske odgovornosti lica koje je bilo dužno pribaviti prevano mišljenje Pravobranilaštva".

Predmetni Ugovor je zaključen dana 27.12.2017. godine, a Pravobranilaštvo ne raspolaže informacijama da je pokrenut disciplinski postupak, niti da je utvrđena disciplinska odgovornost odgovornog lica.

PRAVOBRANILAC GRADA SARAJEVA

DOSTAVITI:

- Naslovu
- U spis



Admir Jusufbegović